

Ժողովուրդ

5 մարտի չորեքշաբթի 2025
տպագրության ԺՂ տարի

28
(3059)

Թ. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԱԽԱՐԱՐ ԱՐՓԻՆԵ ՄԱՐԳՍՅԱՆԸ ՉԱԽՈՂԵԼ Է ԱՇԽԱՏԱՆՔԸ



ՀՀ ներքին գործերի նախարարության գործունեության շուրջ լուրջ դժգոհություններ են հասունացել: «Ժողովուրդ» օրաթերթի հետ զրույցում մի շարք դատավորներ և փաստաբաններ հայտնեցին, որ իրենց համբերության բաժակը լցվել է, և իրենք պատրաստվում են բողոքը հասցնել ընդհուպ մինչև Մարդու իրավունքների եվրոպական դատարան:

Իսկ ինչն է խնդիրը: Բանն այն է, որ կալանավորներին ուղեկցող ոստիկանության խմբերը չեն կարողանում մի շարք քրեական վարույթներով կալանավորների բերել դատարաններ, ու դատական նիստերը հազվադեպ են կայանում: Այսինքն՝ փաստաբանները գնում են դատարան, դատավորը պատրաստակամ է նիստ գումարել, սակայն կալանավորներին դատարան չեն բերում:

Այս իրավիճակը զայրացրել է փաստաբաններից շատերին, ու չի բացառվում, որ անգամ կալանավորների իրավունքները ոտնահարելու գանգատներով դիմում ուղարկվի Մարդու իրավունքների եվրոպական դատարան:

ArmLur.am-ը հայտնել էր, որ ըստ ՆԳՆ-ի պաշտոնական տվյալների՝ 2025 թվականի հունվար ամսվա ընթացքում վարույթ իրականացնող մարմինների կողմից ստացվել է 1601 հայտ ազատությունից զրկված 1757 անձանց ուղեկցելու վերաբերյալ, որից ՆԳՆ ոստիկանության համայնքային ոստիկանության գլխավոր վարչության ուղեկցող ստորաբաժանումների գերմանա-րաբեռնվածության հետեւանքով հնարավոր չի եղել իրականացնել 438 հայտի պահանջները՝ ազատությունից զրկված 477 անձանց վերաբերյալ:

Այսինքն՝ օրուգիշեր բարեփոխումներից խոսող ՆԳ նախարար Արփինե Մարգարյանը 477 կալանավորի իրավունք է ոտնահարել:

Հայաստանի իրավապահ համակարգը 2023 թվականից մինչ օրս կոռուպցիայի դեմ պայքարի շուրջ շրջանակում թիրախավորել է բացառապես Երևանի քաղաքապետարանը՝ ստեղծելով այն տպավորությունը, որ կոռուպցիայի դեմ պայքարը սահմանափակվում է միայն քաղաքային իշխանությունների հետապնդմամբ: Քաղաքապետարանից մեզ փոխանցում են, որ ներսում խորացող համոզմունք կա՝ ձերբակալությունները կատարվում են առանց հիմնավորումների, իսկ քաղաքապետ Տիգրան Ավինյանը դրանք դիտարկում է քաղաքական ուղղորդումների համատեքստում: Քաղաքապետարանի կոմունալի պետի ձերբակալությունը, որ տեղի ունեցավ երեկ, ըստ աղբյուրների՝ համարվել է վերջին կաթիլը: Քաղաքային իշխանությունների ներսում աճում է դժգոհություն, և շուրջներ են շրջանառվում, որ քաղաքապետը, ամենայն հավանականությամբ, որոշում կկայացնի հակահարձակման անցնելու՝ քաղաքական խաղերի մասնակիցներին հասցնելով հուժկու հակահարված: Ավելին, տեղեկացվում է, որ քաղաքապետը նախորդ օրը իրահանգել է աշխատակազմին, որ իրավապահ համակարգի ցանկացած ներկայացուցիչ կողմից արված յուրաքանչյուր՝ անգամ ամենաչնչին խնդրանքը զեկուցեն բացառապես իրեն՝ կազմելով մանրակրկիտ ցուցակ: Սա կարող է վկայել այն մասին, որ քաղաքապետարանը պատրաստվում է պաշտպանողականից անցնել ավելի ակտիվ գործողությունների: Հիշեցնենք, որ 2023 թվականից սկսած՝ քրեական գործեր են հարուցվել Երևանի երկու փոխքաղաքապետների, մի քանի վարչության պետերի, ինչպես նաև Արաբկիր վարչական շրջանի ղեկավարի նկատմամբ: Սակայն վարույթների մեծ մասը գնում է անորոշ՝ սառած վիճակում, մինչդեռ այդ գործերով անցնող անձանց շարունակում են ամեն գնով պահել կալանքի տակ: Այս զարգացումները Երևանի քաղաքապետարանում գնահատվում են ոչ թե որպես իրավական գործընթացներ, այլ որպես քաղաքական ճնշման միջոց, որը կարող է փոխել քաղաքապետարանի հետագա գործողությունների տրամաբանությունը:



Երեկ ՀՀ Ազգային ժողովում ԱԺ պատգամավոր Թագուհի Թովմասյանը հետաքրքրվեց ՀՀ Կառավարության միջազգային հարցերով ներկայացուցիչ Եղիշե Կիրակոսյանից, թե ինչ է անում ՀՀ Կառավարությունը հայ ռազմագերիների և պատանդ պահվող քաղաքացիական այլ անձանց խոշտանգման մասով՝ հիշատակելով, որ Ռուբեն Վարդանյանի դեմքին կատուկներ կան, Բակո Սահակյանի ատամնաշարի առջեւի հատվածը չկա: Այսինքն՝ հայ գերիները Բաքվի բանտերում խոշտանգվում են: ՀՀ Կառավարության միջազգային հարցերով ներկայացուցիչը ԱԺ ամբիոնից հայտարարեց, թե «Ունենք առանձին ամբողջական գանգատը, որի գրավոր փուլը ավարտվել է նախորդ տարվա ավարտին՝ դեկտեմբերին: Ունենք կիրառված միջանկյալ միջոցներ Ադրբեջանի նկատմամբ, որի շրջանակներում պարբերաբար ստանում ենք տեղեկություն պահվող անձանց վիճակի մասին, առողջականի, պահման պայմանների մասին: Վերջին տվյալները ստացել ենք փետրվարի սկզբին: Դրանից հետո, բնականաբար, մենք հետևում ենք մամուլում շրջանառվող որոշ տեսակետերի, նկարների, ինչը Դուք նշեցիք. դրանք ուշադրությամբ ուսումնասիրվում են, ուշադրության կենտրոնում են»:



Հակակոռուպցիոն կոմիտեում կյանքը կանգ է առել: «Ժողովուրդ» օրաթերթին հասած լուրերի համաձայն, չնայած հակակոռուպցիոն կոմիտեի նախագահի ժամանակավոր պաշտոնակատարը կա՝ Էդուարդ Հակոբյանը, սակայն կոմիտեում շունչները պահած սպասում են Նոր նախագահի ընտրվելուն, որ կարողանան առավել ինչեղ քրեական գործերով որոշումներ կայացնեն: Հակակոռուպցիոն կոմիտեից, ի պատասխան այս իրավիճակի վերաբերյալ «Ժողովուրդ» օրաթերթի հարցի, փոխանցեցին, որ այդ հանգամանքը չի կարող ազդեցություն ունենալ իրենց աշխատանքի որակի վրա, և օրենքով նախատեսված կարգով կատարվում են մինչդատական վարույթներով բոլոր անհրաժեշտ քննությունները: Հավելենք, որ հակակոռուպցիոն կոմիտեի նախագահի թեկնածուները արդեն կան ու սպասում են Կոռուպցիայի կանխարգելման հանձնաժողովի կողմից տրվելիք թեկնածուների բարեվարքության մասին եզրակացությունը, որը երեկվա դրությամբ դեռ մրցութային հանձնաժողովին չէր տրամադրվել: Հիշեցնենք, որ Նիկոլ Փաշինյանի ուղարկած «գիշերային ՍՄՍ»-ից հետո ՀՀ նախագահ Սասուն Խաչատրյանը «ինքնակամ» դիմում գրեց աշխատանքից ազատման ու հեռացավ. և շուրջ 4 ամիս է հակակոռուպցիոն կոմիտեն նախագահ չույլ:



ԱԶԱԿՑՈՒԹՅՈՒՆ

ՄԻՋԱԶԳԱՅԻՆ ԿԱՌՈՒՅՑՆԵՐԻ ԴԻՐՔՈՐՈՇՈՒՄԸ ՉԻ ԸՆԴՈՒՆՈՒՄ

«Ժողովուրդ» օրաթերթը գրուցել է «Ադրբեյդեյնի» կուսակցության անդամ Արսլան Գալիբովի հետ: Նա միացել է «Ադրբեյդեյնի» կուսակցության նախագահ Մանե Թանդիլյանի հացադուլին:



-Պարոն Ալավերդյան, Դուք նույնպես միացել եք Մանե Թանդիլյանի հացադուլին: Ձեր կարծիքով՝ այս գործողությունները ի՞նչ արդյունք կտան: Ի՞նչ սպասելիքներ ունեք:

-Սա մեր գորակցությունն ու աջակցությունն է Ռուբեն Վարդանյանին եւ մեր բոլոր գերիներին՝ Բակո Սահակյանին, Արկադի Ղուկասյանին եւ մյուսներին: Նախ՝ պայքարի այս ձեռով մենք աջակցում ենք իրեն եւ հորդորում ու խնդրում, ինչու չէ՞ նաեւ ակնկալում, որ տեսնելով կատարվողը՝ գոնե դուրս կգա հացադուլից, որովհետեւ իր կյանքին վտանգ է սպառնում, իր առողջական վիճակը ծանր է: Մեր ակնկալիքը մեր գերիների հարցը բարձրաձայնելն է եւ հարցին լուծում տալը:

-Որքան է շարունակվելու հացադուլը:

-Ես չեմ կարող հիմա ասել, թե որքան կշարունակվի, որոշված ժամկետ չկա: Դա կախված է նրանից, թե ինչ գործողություններ, արձագանքներ կլինեն ժողովրդի, հանրության կողմից: Մենք նաեւ միջազգային հանրությանն ենք նամակներ ուղարկում:

-Իսկ Ձեզ համար հասկանալի է միջազգային հանրության լռության պատճառը: Ինչու՞ են լռում միջազգային կառույցները: Նրանք մշտապես խոսում են մարդասիրությունից, մարդու իրավունքների պաշտպանությունից, իսկ երբ լուսանկարներ են տարածվում, որ Բաքվում խոշտանգվում են մարդիկ, ինչու՞ են այդ կառույցները լռում:

-Ի սկզբանե արցախահայության հայաթափման մասին անդրադարձը ու Արցախի հետ կապված դիրքորոշումը միջազգային կառույցների կողմից, անհասկանա-

լի չասեմ, բայց անընդունելի էր ինձ համար: Երբ արդեն հայաթափումը տեղի ունեցավ, ու հայերը դուրս էին գալիս Արցախից, մեր առաջնորդների կալանավորումն արդեն իսկ աղաղակում էր այն մասին, որ մարդասիրական ոչ մի սկզբունք էլ չի պահպանվում, եւ միջազգային ոչ մի կողմ չի պաշտպանվում: Էլ ուր մնաց՝ խոսենք դատավարության մասին, այն կտանքների, որոնց ենթարկվում են մեր տղաները Բաքվում: Ամբողջ հայ ազգն է ենթարկվում այդ խոշտանգումներին, որովհետեւ այդ դատավարությունը տեսնելով, դրան հետեւելով՝ բոլորիս համար պարզ է դառնում, որ այստեղ անձերի հարց չէ, այլ քննարկվում, քննադատվում եւ դատվում է Հայաստանն ու հայը առհասարակ: Ես՝ որպես հայ, ինձ անվտանգ չեմ զգում, առավել եւս անվտանգ չեմ զգալու, երբ Հայաստանից ոտքս դնեն դուրս: Սա

կարող է կատարվել ցանկացածի հետ: Ալիեյան ռեժիմը կարող է ինչ-որ շինծու մեղադրանքներով գործ հարուցած լինել ցանկացած հայի նկատմամբ, ով սատարել է Արցախին: Նրանք կարող են նույն կերպ ցանկացածին առեւանգել, տանել:

Հիշեցնե՛ք, որ «Ապրելու երկիր» կուսակցության նախագահ Մանե Թանդիլյանը արդեն 5 օր է հացադուլ է սկսել Ազատության հրապարակում: Նա այս քայլով իր աջակցությունն է հայտնում Ռուբեն Վարդանյանին եւ միջազգային կառույցների ուշադրությունն է հրավիրում նրա նկատմամբ արված խոշտանգումներին: Նշենք, որ Արցախի պետական խարտր Ռուբեն Վարդանյանը, որը կտանքների է ենթարկվում ադրբեյջանական բանտում, արդեն 16 օր է հացադուլի մեջ է:

Ջրուցեց ՔՐԻՍՏԻՆԱ ՄՈՒՇԵՂՅԱՆԸ

ՀԱՅՈՑ ՑԵՂԱՍՊԱՆՈՒԹՅՈՒՆ-110

«ՏԱՐԵԼԻՑԸ ԽԱՅՏԱՌԱԿ ՎԻՃԱԿՈՒՄ ԵՆՔ ԴԻՄԱՎՈՐՈՒՄ», ԴԵՄՈՅԱՆ

ԳԱՍ Ցեղասպանության քանդարան-ինստիտուտի նախկին սնօրեն, դասնաբան Հայկ Դեմոյանը գրում է.

«Հայոց ցեղասպանության 110-րդ տարեկիցը դիմավորում ենք ամենախայտառակ ու անկումային իրավիճակում. Հայոց ցեղասպանության պատմական փաստի ժխտում ՀՀ իշխանությունների կողմից, սրբադաված նահատակների հիշատակի պղծում, եկեղեցու լիակատար լուրջություն, մտավորականության մեծամասնության ու հատկապես պատմաբանների համագործակցությունն ազգային հիշողությունն ու ժառանգությունը արժեզրկող ու կեղծող ապիկարների հետ:

Ակնհայտ է նաեւ սփյուռքյան որոշ ինտելեկտուալ շրջանակների բացահայտ հովանավորչությունը ՀՀ-ում անօրինական ճանապարհով իշխանությունը գավթած օտարահաճ գործակալների խմբի հանդեպ: Մի խոսքով, ազգային ողբերգության մի նոր արար, որին մասնակցում են բոլորը՝ իրենց ունակությունների ու կարողությունների ներածին չափով: Ու բոլորը հույս են տածում, որ իրենց լռությունն ու հակապետական, հակազգային գործերն ու վարքը շատ արագ մոռացվելու են ու չեն հիշվելու... Սին հույսեր ու պատրանքներ. ամեն ինչ արձանագրվում

է՝ հաջորդ սերունդներին փոխանցելու համար:

Սուտ օրերս կիրապարակեմ մինչ օրս չհանրայնացված փաստեր՝ Հայոց ցեղասպանության թանգարանում տեղ գտած քստմունքի մի շարք դրվագներով ու կտեսնեք, թե հանրության շրջանում նկատելի ու ճանաչելի դառնալու անհույս ճիգեր գործադրող որոշ անձանց ու իրենց հովանավորների իրական ինքնությունները: Սա պարտադիր է, համբերեք մի քանի օր:

Հայոց ցեղասպանության հիշողությունն առաջին հերթին անվտանգության ու ինքնապահպանության հարց է, այլ ոչ թե սահմանային առեւտրի ու այլընտրանքային արտահանումն ապահովելու խնդիր: Մոռանում ես դա, կամ գիտակցաբար մոռացության ես տալիս այդ հիշողությունը, ուրեմն դատապարտված ես վերապրելու նույնը: Սա է պարզ բանաձեւումը: Համատարած ապատիան ու ինքնապահպանության կոլեկտիվ բնագրի բթացումը, որը հովանավորվում է իշխանությունների ու նրանցից սևվող ու վճարվող քարոզիչների կողմից, թիրախավորում են հենց այդ ինքնապահպանության բնագրը:

Սկսելու եմ Հայոց ցեղասպանության թեմայի վերաբերյալ կարճ պատմությունների հրապարակումը, որոնք հանրային հասանելի ձեւաչափով կօգնեն հասկա-

նալ տեղի ունեցած ողբերգության իրական ծավալներն ու հետեւանքները: Միաժամանակ հորդորում եմ բոլորիդ միանալ հիշողության ու ռզեկոչման մի կարեւոր արարողության. մինչ ապրիլի 24-ը որպես հարգանքի ու հիշատակի տուրք, կարդացեք վերապրողի հինգ հուշագրություն: Շնորհակալ եմ ձեզ ճակատագիր, որը կօգնի մեզ հասկանալ ու վերաբերվել մարդկային կյանքն ու մաքառումի սխրանքը, կօգնի մեզ հասկանալու իրական արժեքներն ու դուրս գալ նոր աղետ նախանշող համազգային թմբիրից:

Վստահեցնում եմ Ձեզ, որ նման հուշագրությունների ընթերցումից հետո կփոխվի Ձեր աշխարհընկալումն ու արժեքային համակարգը: Իմ նպատակը սոսկ ընթերցանությունը չէ: Այսպիսի գրքերի ընթերցումը կնպաստի այն ընկալման ամրապնդմանը, որ լինելով լիակատար ոչնչացման դատապարտված տեսակ, իրավունք չունենք անհանդուրժողականություն ու ատելություն տածել միմյանց նկատմամբ... Ուղղակի իրավունք չունենք...:

Իսկ դա, հիշե՛ք, այս պահին տարվող պետական քաղաքականության կարեւոր մասն է, քանզի ատելության ու անհանդուրժողականության սերմանումը իշխանությունն պահելու լավագույն մեթոդներից է...»:



ՀԱՏՏԱՏԵԼ Է ԻՐ ՄԱՍՆԱԿՑՈՒԹՅՈՒՆԸ

Բաքվում ընթացող շինծու դատավարության ընթացքում Արցախի ՊԲ Նախկին հրամանատար, գեներալ-լեյտենանտ Լեւոն Մնացականյանը հաստատել է իր մասնակցությունն Արցախի ազատագրական պայքարին, նշել՝ որտեղ էլ չի մասնակցել, եթե անհրաժեշտությունը լիներ, կմասնակցեր:

Հիշեցնե՛ք, որ ավելի վաղ Բաքվում ընթացող շինծու դատավարության ժամանակ Արցախի երկրորդ նախագահ Արկադի Ղուկասյանը նշել է, որ Հայաստանի ներգրավվածությունը 44-օրյա պատերազմում պայմանավորված էր Արցախի անվտանգության երաշխավոր լինելու հանգամանքով, ինչը իրական տեսանկյունից համարվում է լեգիտիմ:

ՎԱՐԱԳՆ ԽԱՉԱՏՈՒՐՅԱՆԸ ԱՅՑԵԼԵԼ Է ՊԵՐՈՒ

Լատինական Ամերիկա կատարած աշխատանքային այցի շրջանակներում Հանրապետության նախագահ Վահագն Խաչատրյանը Լիմայում հանդիպում է ունեցել Պերուի Հանրապետության նախագահ Դինա Բուլուարտեի հետ:

Ողջունելով նախագահին՝ Դինա Բուլուարտեն առանձնահատուկ շեշտել է, որ առաջին անգամ պատմության մեջ Պերու է այցելում Հայաստանի նախագահը, ինչը վկայում է երկու երկրների կողմից բարեկամության ու փոխգործակցության ամրապնդման ձգտման մասին, եւ որը նոր խթան կհաղորդի երկու հնագույն քաղաքակրթություններ ներկայացնող պետությունների միջեւ հարաբերությունների սերտացման եւ ընդլայնման համար:

Նախագահը շնորհակալություն է հայտնել ջերմ ընդունելության համար եւ կարեւորել բարձրաստիճան փոխայցելությունները երկու երկրների միջեւ համատեղ հետաքրքրություն ներկայացնող ոլորտներում համագործակցության ընդհանուր եզրեր գտնելու տեսանկյունից:

ԿՈՐՈՇԻ ԹՐԱՄՓԸ

Վաշինգտոնի կողմից Կիեւին ռազմական օգնությունը վերսկսելու հնարավորության մասին որոշումը պատկանում է ԱՄՆ նախագահ Դոնալդ Թրամփին: Այս մասին Fox News-ին տված հարցազրույցում ասել է Սպիտակ տան մամուլի քարտուղար Քերոլայն Լեյիթը:

«Դա նախագահ Թրամփի որոշելիքն է», - ասել է նա՝ ի պատասխան հաղորդավարի այն հարցին, թե արդյոք Վլադիմիր Զելենսկիի գանգը կարող է հանգեցնել ԱՄՆ ռազմական օգնության վերսկսմանը:

Լեյիթն ավելացրել է, որ Զելենսկին «արծաթյա սկուտեղի վրա է հանձնվել» հանքանյութերի մասին համաձայնագրով եւ նշել, որ դա կարող է լինել ոչ միայն տնտեսական համաձայնագիր, այլեւ փրկողակ Ջելենսկիի եւ նրա երկրի համար», - ասել է նա:

Մարտի 3-ին Reuters-ը, վկայակոչելով Սպիտակ տան ներկայացուցչին, հայտնել է, որ Թրամփը հրահանգել է դադարեցնել Կիեւին ռազմական օգնության բոլոր մատակարարումները:

ԻՐԱՎԻՃԱԿ

FREEDOM HOUSE-ի ԶԵԿՈՒՅՑ

«ՀԱՅԱՍՏԱՆԸ ՄԱՍՄԲ ԱԶԱՏ ԵՐԿԻՐ Է»

ԱՌԱՋԱՐԿԵԼ Է ԹՈՂՆԵԼ ՊԱՇՏՈՆԸ

Ամերիկացի միլիարդատեր Իլոն Մասկը, որը վերահսկում է ԱՄՆ Կառավարության արդյունավետության վարչությունը (DOGE), կրկին թիրախավորել է Ուկրաինայի նախագահ Վլադիմիր Զելենսկին: Նա Ուկրաինայի ղեկավարին առաջարկել է հեռանալ իշխանությունից: «Որքան էլ տհաճ լինի, Զելենսկին պետք է ինչ-որ համաձայնագրով առաջարկել չեզոք երկրում Ուկրաինայում ժողովրդավարության խաղաղ վերադարձման դիմաց», - գրել է Մասկը X-ի իր միկրոբլոգում: Մեկ այլ գրառման մեջ էլ նա Ուկրաինայի նախագահին մեղադրել է Ռուսաստանի սանձազերծած պատերազմը երկարաձգելու համար: «Զելենսկին հավերժ պատերազմ է ցանկանում, որը չարիք է», - գրել է Մասկը:

ՓՈՓՈԽՈՒԹՅՈՒՆՆԵՐ

Աժ-ում քննարկվել է Կարգապահության վարչախոսումների վերաբերյալ օրենսգրքում փոփոխություններ կատարելու մասին նախագիծը, որով առաջարկվում է տրանսպարտային միջոց վարելու իրավունք ունեցող անձին մեկ տարվա համար հատկացված 9 տուգանային միավորի փոխարեն հաշվարկել 13 տուգանային միավոր:

Հիմնական զեկուցող ԶՊ խմբակցության պատգամավոր Արմեն Խաչատրյանն ասաց, որ 100-ից ավելի ճանապարհային երթուղիների կանոնների իրավախախտումներ կան, միայն 28 իրավախախտումների դեպքերով են հանվում տուգանային միավորներ:

Նա հայտնեց, որ այս փոփոխությամբ 7 իրավախախտումների մասով տուգանային միավորներն ավելացվել են, որպեսզի համարժեքությունը պահեն, 20 իրավախախտումների դեպքում տուգանային միավորները նույնն են մնացել:

Խաչատրյանը թվարկեց 7 իրավախախտումները, որոնց դեպքում բալերը բարձրացվել են՝

Ապակիների լուսաթափանցելիության կանոնների խախտում. եթե խախտումը մեկ անգամ արձանագրվելուց հետո կրկին արձանագրվում է, ապա վարորդի բալային համակարգից կհանվի 3 միավոր:

Ամրագրողները չամրակապելու դեպքում 1 տուգանային միավորը դառնում է 1,5 միավոր:

Հեռախոսից օգտվելու դեպքում 1 տուգանային միավորը դառնում է 1,5 միավոր: Բաժանարար գոտի հատելու դեպքում 2 տուգանային միավորը դառնում է 3 միավոր:

Հանդիպակաց եթեմեկի գոտի դուրս գալու դեպքում 3 տուգանային միավորը դառնում է 4 միավոր:

Ոչ սթափ վիճակում ավտոմեքենա վարելու դեպքում 4 տուգանային միավորը դառնում է 5 միավոր:

Մեքենա վարելիս ծխախոտ օգտագործելու դեպքում 1,5 տուգանային միավորը դառնում է 2 միավոր:

«Մնացած 20 իրավախախտումներով որեւէ փոփոխություն չի արվել: Վարորդների հետ հանդիպումից ելնարկումից հետո երկրորդ շարքում կանգնելու դեպքում 0,5 բալը մենք փոխարինեցինք 0,25 բալով, եւ անգամ այս մասով որեւէ փոփոխություն չենք արել», - ասաց պատգամավորը:

Նախագիծը երկրորդ ընթերցմամբ եւ ամբողջությամբ ընդունվելու դեպքում ուժի մեջ կմտնի մայիսի 1-ից:

Freedom House միջազգային հեղինակավոր կազմակերպությունն հրատարակել է «Ազատությունն աշխարհում – 2025» զեկույցը՝ «Գծվարին դայաբ իրավունքների համար» վերնագրով: Այն գնահատում է աշխարհում քաղաքական իրավունքների վիճակը:

Այս տարվա զեկույցում արձանագրվել է, որ 60 երկրում քաղաքական իրավունքների եւ քաղաքացիական ազատությունների առումով անկում է գրանցվել, իսկ բարելավումներ արձանագրվել են միայն 34 երկրներում:

Իրավապաշտպան կազմակերպության տարեկան զեկույցի համաձայն՝ համաշխարհային ազատությունը 19-րդ տարին անընդմեջ անկում է ապրում, իսկ այնտեղ, որտեղ արձանագրվել է ժողովրդավարության հետընթաց, իրավունքների եւ ազատությունների դեգրադացիան հիմնական գործոններն են բռնությունը եւ քաղաքական հակառակորդների հանդեպ ճնշումներն ընտրությունների ժամանակ, շարունակվող զինված հակամարտություններն ու ավտորիտար գործելակերպի տարածումը:

«Ադրբեջանից եւ Ալժիրից մինչեւ Ռուսաստան ու Ռուանդա ավտորիտար իշխանություններն իրենց քաղաքական հակառակորդներին ձերբակալում, բանտարկում կամ հեղինակազրկում են՝ [իրենց] պարտության նույնիսկ նվազագույն հավանականությունը բացառելու համար», - գրել է Freedom House-ը:

Ոչ ազատ համարվող 67 երկրներից եւ տարածքներից 17-ն ունեն քաղաքական իրավունքների եւ քաղաքացիական ազատությունների ամենավատ միավորները: Դրանց թվում են Աֆղանստանը, Ադրբեջանը, Բելառուսը, Սիրիան, Թուրքմենստանը եւ այլ երկրներ, ինչպես նաեւ տարածքներ, ներառյալ Արեւմտյան Սահարան, Գազայի հատվածը, Տիբեթը եւ Ռուսաստանի օկուպացիայի ներքո գտնվող Ուկրաինայի տարածքները:

ՕՐՎԱ ԽՃԱՆԿԱՐ

ԻՆՉՈՒ ԷՐ ՀԱՅՏԱՐԱՐՎԵԼ «ԶԳՈՆՈՒԹՅԱՆ ԲԱՐՉՐԱՅՈՒՄ»

Բաղանիս-Ոսկեպար ավտոմայրուղում խառնաշփոթ իրավիճակ է եղել եւ իրավապահները ուշագրավ բացահայտում են արել:

ArmLur.am-ին հայտնի դարձավ, որ Գոռ Նիկոյանին մեղադրանք է առաջարկվել այն բանի համար, որ նա 2025 թվականի փետրվարի 19-ին՝ ժամը 17:10-ի սահմաններում, «Լեքոս» մակնիշի 67 VL 777 համարանիշի ավտոմեքենայով Դավիթ Հովսեփյանի եւ Նորիկ Մանուկյանի հետ Կրաստանի Հանրապետությունից Երեւան քաղաք վերադառնալու ճանապարհին՝ Տավուշի մարզի Բաղանիս-Ոսկեպար ավտոմայրուղու միջնամասում Հայաստանի եւ Ադրբեջանի Հանրապետությունների սահմանապահ զորքերի կողմից վերահսկվող բաժանարար գծից մոտ 270 մետր հեռավորության վրա, Նորիկ Մանուկյանի կողմից, վերջինիս պատկանող 9 մմ տրամաչափի ազդանշանային ատրճանակից երկու կրակոց է արձակել՝ թույլ տալով անհարկի խախտել պետական սահմանին տիրող լռությունը եւ պետական սահմանի պահպանություն իրականաց-



Freedom House-ի համաձայն՝ նախորդ 19 տարիների ընթացքում միավորների ամենամեծ անկումը գրանցվել է Սալվադորում, Սերբիայում եւ Վենեսուելայում, որտեղ ղեկավարների կողմից ժողովրդավարական ինստիտուտների վերացումը արմատավորել է ավտորիտար կառավարման ձեւ:

2005 թվականից ի վեր մեծ անկումներ ունեցած այլ երկրներից են Կենտրոնա-Աֆրիկյան Հանրապետությունը, Հայիթի եւ Մալի, «որտեղ բռնությունն ու անապահովությունը երկար ժամանակ խոչընդոտել են մարդկանց՝ խաղաղ ապրելուն եւ իրենց հիմնարար իրավունքներին տեր կամսվելուն»:

Միջազգային կազմակերպության պնդմամբ՝ չնայած ազատության շարունակական գլոբալ անկմանը, մի շարք երկրներում արձանագրվել են դրական փոփոխություններ եւ բարեփոխումներ իրականացվել են այլ ուղղությամբ:

Նացնելու միտում ժողովրդավարության ու ազատության զարգացման նպատակով:

Որպես «լուսավոր կետեր» Freedom House-ն առանձնացրել է քաղաքական փոփոխությունները Բանգլադեշում, որոնք երեւան եկան, սակայն, ոչ թե ընտրությունների, այլ բողոքի զանգվածային ցույցերի արդյունքում, Շրի Լանկայում՝ նորընտիր նախագահ Անուրա Կումարա Դիսանայակեների նախաձեռնած բարեփոխումները, սահմանադրական փոփոխությունները Սենեգալում եւ Բոտսվանայում:

Ըստ զեկույցի՝ «միայն կայուն եւ համակարգված գործողությունները կարող են հակադարձել գլոբալ ազատության գրեթե երկու տասնամյակ տեղող անկումը ու ապահովել, որ ավելի շատ երկրներ վայելեն անվտանգություն, բարգավաճում եւ ժողովրդավարական կառավարման առավելությունները»:

Շարունակությունը՝ ArmLur.am կայքում

նող անձանց անդորրը, ինչպես նաեւ խոչընդոտելով ՀՀ ազգային անվտանգության ծառայության սահմանապահ զորքերի «Տավուշ» առանձին սահմանապահ պարետատան բնականոն գործունեությունը, այն է՝ անձնակազմին հայտարարվել է «զգոնության բարձրացում», որի հետեւանքով նույն պարետատան «Ոսկեպար» ուղեկալում ծառայություն իրականացնող սահմանապահ վերակարգը շեղվել է բուն ծառայությունից, պահպանության ներքո գտնվող սահմանային տեղամասի պահպանությունը թուլացել է եւ նշված հատվածի պահպանության համար նախատեսված ուժերն ու միջոցները ծառայեցվել են այլ ուղղությամբ:

ՔԱՆՈՒ ՍԱՆՈՒԿՅԱԼ

ՕԳՆՈՒԹՅՈՒՆ ԿՏՐԱՄԱԳՐԵՆ ՀԱՅԱՍՏԱՆԻՆ

Եվրամիությունը դիտարկում է Հայաստանին եւս 10 միլիոն եվրոյի ոչ հարձակողական օժանդակության տրամադրումը Եվրոպական խաղաղության հիմնադրամիջ, որի նպատակն է աջակցել դաշնակիցների պաշտպանությանը: Ինչպես հա-

ղորդում են «Ազատության» Բյուսետի աղբյուրները, Եվրամիության արտաքին հարաբերությունների եւ անվտանգության հարցերով բարձր ներկայացուցիչ Կայա Կալլասն այդ մասին առաջարկը ներկայացրել է ԵՄ խորհրդին, որն էլ պետք է այն քննարկի առաջիկա շաբաթներին: Քննարկման կոնկրետ օրը, սակայն, դեռ հստակ չէ:

Առաջարկն ուժի մեջ կմտնի, եթե հավանություն տան Միության անդամ բոլոր 27 երկրները: Անցած տարի, օրինակ, Հունգարիան արգելափակել էր այս օգնության տրամադրումը՝ պահանջելով, որ ծրագրում նաեւ Ադրբեջանը ներառվի: Շաբաթներ շարունակված դռնփակ բանակցություններից հետո Եվրոպացի դիվանագետներին այն ժամանակ հաջողվել էր հաղթահարել Բուդապեշտի դիմակայությունը:

Թե ինչ դիրքորոշում ունեն այս հարցի վերաբերյալ Բուդապեշտն ու մյուս անդամ երկրները հիմա, հստակ չէ:

Հայաստանն անցած տարի առաջին անգամ 10 միլիոն եվրո ստացավ Եվրամիության հաղաղության հիմնադրամիջ:

Եվրամիության հաղաղության հիմնադրամը ստեղծվել է 2021 թվականին՝ աշխարհում հակամարտությունները կանխելու եւ կարիքավոր երկրներին ոչ մահաբեր զինատեսակներ մատակարարելու համար:

ԻՐԱՎԱԿԱՆ

ՈՎ ԿՐԱՌՆԱ ԶԱԿԱԿՈՌՈՒՊՏԻՈՆ ԿՈՄԻՏԵԻ ՆԱԽԱԳԱՐ

ԱՌԱՋԻԿԱՅՈՒՄ ԸՆՏՐՈՒԹՅԱՆ ՕՐ ԿՆՇԱՆԱԿՎԻ

Կոռուպցիայի կանխարգելման հանձնաժողովը Հակակոռուպցիոն կոմիտեի նախագահի թեկնածուների բարեվարչության եզրակացությունը ուղարկել է մրցութային հանձնաժողով: Ասել է թե՛ առաջիկայում կնքանակվի Հակակոռուպցիոն կոմիտեի նախագահի ընտրության օրը:

«Ժողովուրդ» օրաթերթը գրել էր, որ Կոռուպցիայի կանխարգելման հանձնաժողովն արդեն ավարտական փուլին է հասել Հակակոռուպցիոն կոմիտեի նախագահի թեկնածուների բարեվարչության եզրակացությունների հարցում: Այս պահին հակակոռուպցիոն կոմիտեի նախագահի պաշտոնում առաջադրված թեկնածուները հինգն են՝ փաստաբան Կարեն Բատիկյանը, Սերժ Սարգսյանի դեմ հարուցված քրեական գործով քննիչ Արտաշես Մախյանը, քննչական կոմիտեի նախագահի տեղակալ Արթուր Նահապետյանը, Վարչապետի աշխատակազմի տեսչական մարմինների աշխատանքների համակարգման գրասենյակի ղեկավար Պետրոս Մարտիրոսյանը եւ Գեորգ Բոչարյանը, որը Գլխավոր դատախազության՝ ապօրինի ծագում ունեցող գույքի բռնագանձման գործերով դատախազ է եւ ներգրավված է ապօրինի գույքի բռնագանձման վերաբերյալ մի շարք աղմկահարույց գործերով:



Նշենք, որ մինչեւ Կառավարության կողմից նշանակվելուն հասնելը, Կոմիտեի նախագահի թեկնածուն պետք է նախ մրցութային հանձնաժողովում հավաքի անցողիկ միավորներ, ապա դրանից հետո վարչապետը նրան կնշանակի նախագահ: Նախ թեկնածուների փաստաթղթերն են ուսումնասիրվում արդյոք թեկնածուները համապատասխանում են չափանիշներին, եւ դրական կարծիքի դեպքում արդեն մրցութային խորհուրդը քննության օր է նշանակում եւ ուղիղ եթերում քննում թեկնածուներին, որից հետո բարեվարչությունն են քննում, ապա թեկնածուները մասնագիտական հարցերին են պատասխանում: Առավելագույն միավորներ հավաքած թեկնածուներից մեկն էլ ընտրվում է նախագահ: ԵՍՍՐ ՍԱՆՈՒԿՅԱՆ

ԻՐԱՎԻՃԱԿ

ՄԻՊ-Ե ԱՅՑԵԼԵԼ Է ՀԱՅԱԳՈՒԼ ԱՆՈՂՆԵՐԻՆ

Հայաստանի մարդու իրավունքների պաշտպան Անահիտ Մանասյանը երեկ՝ հացադուլի չորրորդ օրը, այցելել է Ազատության հրապարակում հացադուլ հայտարարած Մանե Թանդիյանին, Արտավազը Ալավերդյանին, Վարդան Ավագյանին: Սակայն «Ապրելու երկիր» կուսակցության համահիմնադիր Մանե Թանդիյանը հրաժարվել է հանդիպել նրա հետ: Մանասյանն այնտեղ էր գտնվում հացադուլավորների վիճակին ծանոթանալու համար: Հիշեցնենք՝ Թանդիյանը հացադուլ է հայտարարել հաջակցություն Ռուբեն Վարդանյանի, նա այդպես ուղերձ է հղում Վարդանյանին՝ դադարեցնելու հացադուլը: Փետրվարի 26-ին հայտնի դարձավ, որ Ռուբեն Վարդանյանի առողջական վիճակը կտրուկ վատացել է, քանի որ նա աղբբեջանական բանտում փետրվարի 19-ից հացադուլ է սկսել: Նշենք, որ Մանե Թանդիյանի հացադուլին են միացել նաեւ այլ քաղաքացիներ:

ԻՆՉ Է ԱՌԱՋԱՐԿՈՒՄ ՓԱՏՏԱԲԱՆԸ

Արցախի Հանրապետության նախկին պետնախարար Ռուբեն Վարդանյանի ընտանիքի փաստաբան Զարեհ Գեյսերը կոչ է արել Հայաստանի Հանրապետության իշխանություններին ավելի ակտիվ միանալ Բաքվի բանտերից գերիների ազատ արձակման գործին եւ պարզաբանել է, թե ինչ կարող է անել Փաշինյանը: Ըստ փաստաբանի՝

- Առաջնահերթություն հայտարարել գերիների ազատ արձակումը, հրավիրել մամուլի ասուլիս, հողված գրել առաջատար պարբերականում:
- Հանդիպել գերիների ընտանիքների հետ, դիմել ԿԽՄԿ-ին եւ ԵԱՀԿ-ին՝ դիտորդներ «դատարաններ» ուղարկելու խնդրանքով:
- Կոչ անել դաշնակից երկրներին, որոնք դեսպանատներ ունեն Բաքվում, իրենց ներկայացուցիչներին ուղարկել «դատարաններ» եւ նույնիսկ խնդրել Բաքվին թույլատրել հայ դիտորդների մասնակցությունը:
- Դիմել Ամերիկայի Միացյալ Նահանգների նախագահին եւ պետքարտուղարին, Ֆրանսիայի եւ Եվրամիության առաջնորդներին:
- Շարունակել դատավարությունները Միավորված ազգերի կազմակերպության Միջազգային դատարանում եւ Մարդու իրավունքների եվրոպական դատարանում, պահանջել ՄԶԴ դատախազին Արցախից Հայաստան 120 000 հայերի արտաքսման վերաբերյալ հետաքննություն սկսել:
- Դիմել Միավորված ազգերի կազմակերպության գլխավոր քարտուղարին եւ Միավորված ազգերի կազմակերպության Մարդու իրավունքների գերագույն հանձնակատարին:

ՔՐԵԱԿԱՆ ՔՐՈՆԻԿՈՆ

ԿԱՆԻՎԵԼ Է ԹՄԲԱՄԻՋՈՑԻ ԻՐԱՑՄԱՆ ԳԵՊԸ

Քրեական ոստիկանության թմրամիջոցների անօրինական շրջանառության դեմ պայքարի վարչությունում օպերատիվ տեղեկություններ էին ստացվել, որ առանձնապես խոշոր չափերի տարբեր տեսակի թմրամիջոցներ, իրացնելու նպատակով, պետք է մաքսանեղ գնահատարհով Իրանից տեղափոխվեն Հայաստան: Տեղեկությունները փոխանցվել են Քննչական կոմիտեի հատկապես կարելոր գործերով քննության գլխավոր վարչության մարդկանց թրաֆիքինգի, անչափահասների սեռական անձեռնմխելիության դեմ ուղղված եւ թմրամիջոցների ապօրինի շրջանառության հանցագործությունների քննության վարչություն: Քրեական օրենսգրքի 393-րդ եւ 399-րդ հոդվածների հատկանիշներով նախաձեռնվել է քրեական վարույթ: Քրեական ոստիկանության գլխավոր վարչության ծառայողները, համագործակցելով քննչական կոմիտեի աշխատակիցների հետ, իրականացրել են օպերատիվ-հետախուզական միջոցառումներ: Մայրաքաղաքում ձերբակալվել են նախաքննական մարմին է ներկայացվել Արարատի մարզի բնակիչ 25 եւ 42-ամյա երկու տղամարդ՝ վերջինիս կողմից շահագործվող «Մերսեդես» մակնիշի ավտոմեքենայով հանդերձ: Կատարվում է նախաքննություն:

ՀԵՏԱՊՆԳՈՒՄ 9 ԵՐԿՐՊԱԳՈՒԻ ԵԿԱՏՄԱԲԸ

ArmLur.am-ը տեղեկացավ, որ «Փյունիկ»-«Արարատ Արմենիա» մարտի 1-ի հանդիպման ընթացքում բողոքի ակցիայի մասնակից 9 երկրպագուի նկատմամբ խուլիգանության հողվածով հանրային քրեական հետապնդում է հարուցվել: Նրանց նկատմամբ խափանման միջոց է ընտրվել բացակայելու արգելքը: Արդեն մի քանի ամիս Ֆեդերացիայի ղեկավարության հրաժարականը պահանջող երկրպագուները շաբաթ օրը «Փյունիկ»-«Արարատ Արմենիա» հանդիպման 6-րդ րոպեին հերթական ակցիան սկսեցին՝ ճայթուկներ վառեցին ու մտան խաղադաշտ: Խաղը ժամանակավորապես հետաձգվեց, ֆուտբոլիստներին ուղարկեցին հանդերձարան: Պաշտոնական հեռարձակումը շարունակվեց չեզոք կարգով: Քիչ անց սոցցանցերը հեղեղվեցին տեղից արված տեսանյութերով, որոնցում երևում էր, թե ինչպես են կարմիր բերետավորները ուժ գործադրում ակցիայի մասնակիցների նկատմամբ: Ավելի ուշ տեղեկություն տարածվեց, որ 9 երկրպագու է ձերբակալվել: Տեղի ունեցածից մեկ օր առաջ երկրպագուները նմանատիպ ակցիա էին իրականացրել նաեւ «Գանձասար»-«Արարատ» հանդիպման ընթացքում: Ֆուտբոլի ֆեդերացիան այդ օրը հայտարարություն էր տարածել, թե այս անգամ գերծ է մտում համապատասխան միջոցառում:

ներ ձեռնարկելուց: Շաբաթ օրվանից ձերբակալված երկրպագուները երեկ ազատ են արձակվել: Զ. Ս.

ՎԱՐՉՈՒԹՅԱՆ ՊԵՏԸ ՉԵՐԲԱԿԱԿԵԼ Է

ArmLur.am-ի տեղեկություններով՝ Երեւանի քաղաքապետարանի կոմունալ վարչության պետ Արսեն Կարոյանը Հակակոռուպցիոն կոմիտեում քննվող քրեական վարույթի շրջանակներում երեկ ձերբակալվել է: Երեւանի քաղաքապետի մամուլի խոսնակ Հայկ Կոստանյանը ArmLur.am-ի հետ զրույցում հաստատեց տեղեկությունը: Հիշեցնենք, որ փետրվարի սկզբին եւս 4 անձ էր ձերբակալվել, այդ թվում՝ Երեւանի Քաղաքաշինության եւ հողի վերահսկողության վարչության նախկին պետ Ռուբերտ Դարբինյանը, քաղաքաշինության եւ հողի վերահսկողության վարչության տարածքային 2-րդ բաժնի պետ Միքայել Դիմոյանը, Հասարակական կարգի պահպանության ծառայության պետ Արամ Գյուլզադյանը: Բոլորն էլ կալանավորվել են: Արսեն Կարոյանը ձերբակալվել է այս գործի շրջանակում: Երեւանի քաղաքապետի մամուլի խոսնակ Հայկ Կոստանյանը գրել է նաեւ, որ դեռեւս նախորդ ամիս՝ Երեւանի քաղաքապետարանի պաշտոնյաների ձերբակալությունից հետո, նշված գործի շրջանակում երեկ ձերբակալվել է Երեւանի քաղաքապետարանի եւս մեկ պաշտոնյա: Զ. Ս.

● Ըստ ոստիկանության տվյալների՝ մարտի 3-ից 4-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 128 դեպք, որից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳԻՊԼՈՍ ՉՈՒՆԵՆ, ԲԱՅՑ ՊԱՇՏՈՆ ԵՆ ԶԲԱԳԵՑՆՈՒՄ

Տավուշի մարզում բարձրագույն կրթությամբ հազարավոր անձինք կան, որոնք աշխատանք չունեն: Տավուշի մարզի հանրակրթական դպրոցներից ազատվել են բարձրագույն կրթություն չունեցող 55 անձինք, որոնցից շատերը, ունենալով միջին մասնագիտական մանկավարժական կրթություն, երկար տարիներ հաջողությամբ դասավանդում էին: Տավուշի մարզի համայնքներում օրենքի ուժով աշխատանքից ազատվել են 1000-ից ավելի բնակիչ ունեցող բնակավայրերի այն վարչական ղեկավարները, որոնք չունեն բարձրագույն կրթություն: Իսկ Տավուշի մարզպետարանում աշխատում են բարձրագույն կրթություն չունեցող 2 պաշտոնյաներ: Տավուշի մարզպետ Յայկ Ղալումյանին հարցրել ենք՝ Տավուշի մարզպետի աշխատակազմի 2 պաշտոնյաները, ովքեր բարձրագույն կրթություն չունեն, աշխատակազմում ի՞նչ պաշտոններ են զբաղեցնում: Մարզպետարանից պատասխանել են. «ՀՀ Տավուշի մարզպետի աշխատակազմի բարձրագույն կրթություն չունեցող երկու քաղաքացիական ծառայողներից մեկը գյուղատնտեսության եւ շրջակա միջավայրի պահպանության վարչության, իսկ մյուսը ֆինանսական վարչության մասնագետներ են: Քաղաքացիական ծառայության մասնագիտական պաշտոնների 6-րդ, 7-րդ եւ 8-րդ ենթախմբերի պաշտոնները զբաղեցնելու համար Հայաստանի Հանրապետության քաղաքացին պետք է ունենա առնվազն միջնակարգ կրթություն»:

ՎԱՃԱՌՈՂՆԵՐԸ ԱՎԵԼԻ ԸՍՏ ԵՆ ԸՆԴՈՒՅԹ ՄՏԱՆՈՒՄ

Ներկայումս Նոյեմբերյան համայնքի բնակավայրերում կարտոֆիլի կիրճերում, կախված դրա որակից, չափերից, վաճառվում է 100-150 դրամով, իսկ Երեւանում՝ 250-300 դրամով: Նոյեմբերյան համայնքում գյուղի կովերի 1 լիտր անարատ կաթը վաճառվում է 250-300 դրամով, երբ Երեւանի սուպերմարկետներում կասկածելի բաղադրության կաթի լիտրի գինը 520 դրամ է, իսկ Դիլիջան համայնքում թողարկվող «Դիլի» ապրանքանիշի անարատ, 0,75 լիտր տարողությամբ շշով կաթի գինը՝ 900 դրամ: Նոյեմբերյան համայնքի Բագրատաշեն գյուղի բնակիչ Մուշեղ Մամուլյանը բողոքում է. «Այգուց միրգը՝ արքայանարինջը, 100-150 դրամով մի կերպ ենք վաճառում, մի կերպ են տանում, իսկ Երեւան քաղաքի սուպերմարկետներում դրա գինը 700-1000 դրամ է»: Գյուղից երկրամասեր վերավաճառողներն ավելի շատ շահույթ են ստանում, քան դրանք արտադրողները, ուստի հեռավոր մարզերի գյուղերում նվազում են մշակվող հողատարածքները, պահվող անասունների քանակը: ՆՍԿԱՆ ՍՈՐՈՒԹՅՈՒՆ Տավուշ

ՄԱՐՏՈՒՆՈՒ ԲԿ-Ի ՏՆՕՐԵՆԻ ԸՆՏՐՈՒԹՅՈՒՆԸ

ՓԱՍՏԱԹՂԹԵՐԸ ՀԱՎԱՍՏԻ ՉԵՆ ԵՂԵԼ

«Առողջապահության իրավունք» ՀԿ նախագահ Անուշ Պողոսյանը սոցցանցի իր էջում հրապարակում էր կատարել Մարտունու ԲԿ-ի վերաբերյալ:

Իր հրապարակման մեջ Պողոսյանը նշել է, որ Մարտունու ԲԿ-ի տնօրեն Անդրանիկ Հարությունյանը, ով ազատվել էր տնօրենի պաշտոնից, 1-2 ժամ անց նշանակվել է Մարտունու ԲԿ-ի ժամանակավոր պաշտոնակատար:

«Եվ ահա այսօր՝ 1 տավա մեջ 4-րդ անգամ, կայացավ Մարտունու ԲԿ-ի մրցույթը՝ առանց հաղթողի:

Եվ այսպես, 2024 թվականի դեկտեմբերի 2-ին Անդրանիկ Հարությունյանին հանձնաժողովը քվեարկությամբ 7 կողմ ձայնով թույլ չտվեց մասնակցել մրցույթին, քանի որ նա չունի 3 տարվա մասնագիտական ստաժ: Սակայն դա չի արգելափակում Գեղարքունիքի մարզպետին Անդրանիկ Հարությունյանին նշանակել ժամանակավոր պաշտոնակատար», - սոցցանցի իր էջում գրել է Պողոսյանը:

ArmLur.am-ի տեղեկությունների համաձայն՝ Մարտունու ԲԿ-ի մրցույթին հետաքրքրության պակաս չի եղել: Երբ ուսումնասիրվել են Անդրանիկ Հարությունյանի թղթերը, պարզվել է, որ վերջինիս աշխատանքային գրքույկում եղել է ռուսերեն գրառում աշխատանքային փորձի եւ տեղեկանքի մասին, եւ հետաքրքիրն այն է, որ ոչ մեկի անսաթվեքը իրար չեն համապատասխանել:

Ավելին՝ ՀՀ առողջապահության նախարարությունը հարցում էր արել ՀՀ աշխատանքի եւ սոցիալական հարցերի նախարարությանը Անդրանիկ Հարությունյանի աշխատանքային փորձի վերաբերյալ, եւ ուշագրավն այն է, որ



ստացված պատասխանը բացասական է եղել, ինչն էլ նշանակում է, որ վերջինիս փորձը չի համապատասխանում:

ArmLur.am-ի տեղեկությունների համաձայն՝ մարզպետարանը կողմ է քվեարկել եւ նշել, որ առկա փաստաթղթերը ճշգրիտ փաստաթղթեր են, մինչդեռ առողջապահության նախարարությունը նշել է, որ դրանք համապատասխան փաստաթղթեր չեն:

Մարտունու ԲԿ-ի Ժ/պ հանդիսացող Անդրանիկ Հարությունյանը մրցույթը չի հաղթահարել, քանի որ մասնագիտական առումով, բնականաբար, չունի այն

հմտությունները, որոնք պետք էին, սակայն ամբողջ հարցն այն է, որ մարզպետարանն ընդունել էր այդ փաստաթղթերը եւ ոչ մի լիազորված գործիքով չէր ստուգել այդ փաստաթղթերի հավաստիությունը եւ, ենթադրաբար, չէր էլ ցանկացել ստուգել:

Նախարարության բոլոր փաստարկներին եւ սոցալ նախարարության հարցմանը նրանք դեմ են գնացել՝ այնպես, որ այդ փաստաթղթերը իրավաչափ են, եւ պետք է Անդրանիկ Հարությունյանը մասնակցի մրցույթին:

ԱՆՆԱ ՍՈՐՈՒԹՅԱՆ

ԸՆԹԱՑԻԿ

ՄԱՐԶԱԿԱՌՈՒՅՑԻ ԿԱԿԱՏԱԳԻՐԸ

Աժ լիազումար նիստում երեկ երկրորդ ընթերցմամբ եւ ամբողջությամբ քննարկվել է ««Պետական գույքի մասնավորեցման 2017-2020 թվականների ծրագրի մասին» օրենքում փոփոխություն կատարելու մասին» օրենքի նախագիծը, որով առաջարկվում է Ծիծեռնակաբերդի խնուրի 5 հասցեում գտնվող մարզակառուցը հանել օտարվող գույքի ցուցակից եւ հանձնել ԿԳՄՍ նախարարությանը:

Հարցը զեկուցել է ԿԳՄՍ նախարար Ժաննա Անդրեասյանը՝ նշելով, որ օրենսդրական նախաձեռնությունը նպատակ ունի լուծում տալ հանրապետությունում մարզակառուցների սղության եւ անհրաժեշտ սպորտային միջավայրի բացակայության խնդրին: Նրա խոսքով՝ նախագծի ընդունմամբ ապահովվում է կարելորագույն սպորտային ենթակառուցվածքներից մեկի՝ պետության տնօրինմանը վերադարձը:

«Մասնավորի հետ համագործակցությամբ նախատեսում ենք այստեղ ունենալ ամբողջական զարգացած, արդիական համակարգ, որը կօգնի նաեւ խոշորագույն մարզական մրցաշարերի կազմակերպմանը, ուսումնամարզական հավաքների իրականացմանը՝ ամենատարբեր մարզածեղերի ուղղությամբ: Հաջվի առնելով, որ հարեւանությամբ գործում է նաեւ Մարզահամերգային համալիրը՝ կունենանք ամբողջական ենթակառուցվածք՝

ավելի խոշոր միջոցառումներ հյուրընկալելու եւ ավելի համակարգային մոտեցում ցուցաբերելու համար: Գույքը բավականին մաշված է, եւ ներդրումների կարիք կա: Վստահ եմ այս առումով եւս կգտնենք լավագույն եղանակը», - ասել է Ժաննա Անդրեասյանն ու տեղեկացրել՝ արդեն իսկ կան քննարկումներ գույքի հետագա զարգացման ուղղությամբ:

ԿԳՄՍ նախարարը նաեւ ընդգծել է՝ մարզական ենթակառուցվածքների զարգացումը ՀՀ ֆիզիկական կուլտուրայի եւ սպորտի ոլորտների 2024-2030 թվականների ռազմավարության կարելորագույն դրույթներից է:

Հարակից զեկուցող, Աժ գիտության, կրթության, մշակույթի, սիյուռքի, երիտասարդության եւ սպորտի հարցերի մշտական հանձնաժողովի անդամ Զուլիխան Ազարյանը նշել է՝ նախագիծը սահմանված կարգով ստացել է գլխադասային հանձնաժողովի դրական եզրակացությունը: Նա առաջարկել է կողմ քվեարկել նախագծին՝ հաջվի առնելով, որ կոնցեպտուալ առումով համալիրը բացառիկ է լինելու:

Ծիծեռնակաբերդի խնուրու 5 հասցեում տեղակայված մարզահամալիրն ունի վարչական տարածք, ճաշարան, անջարանային մասնաշենք՝ նախատեսված շուրջ 60 հոգու համար, 2 մարզադահլիճ՝ յուրաքանչյուրը 1600քմ: Մարզահամալիրը ՀՀ կրթության, գիտության, մշակույթի եւ սպորտի նախարարությանը հանձնելուց հետո նախատեսվում է այն հիմնադրույթի եւ ստեղծել հավաքական թիմերի մարզման կենտրոն: Հաջվի առնելով նս-

ջարանային մասնաշենքի եւ երկու մարզադահլիճների առկայությունը՝ մարզակառուցը կծառայի ուսումնամարզական հավաքների, ՀՀ առաջնությունների եւ այլ մրցաշարերի անցկացման համար:

ԲԵՐԳ-ՃԱՄԲԱՐԱՆ ԸՆՆԱՊԱՐՀԸ ՓԱԿ Է

Փոկարար ծառայությունը տեղեկացնում է, որ ՀՀ տարածքում կան փակ եւ դժվարանցանելի ավտոճանապարհներ:

Փակ եւ Արագածոտնի մարզում «Ամբերդ» բարձր լեռնային օդերևութաբանական կայանից Քարի լիճ եւ Ամբերդ ամրոց տանող ավտոճանապարհները:

Բերդ-Ճամբարակ ավտոճանապարհը փակ է բոլոր տեսակի տրանսպորտային միջոցների համար:

Վարդենյաց լեռնանցքը (ձյուն, բուք) փակ է կցորդիչով բեռնատարների համար, դժվարանցանելի՝ մյուս տրանսպորտային միջոցների համար:

Արագածի տարածաշրջանի ավտոճանապարհներին տեղ-տեղ առկա է մերկասառույց: Վրաստանի ՆԳՆ ԱԻ դեպարտամենտից եւ ՌԴ ԱԻՆ Հյուսիսային Օսիայի ճգնաժամային կառավարման կենտրոնից ստացված տեղեկատվության համաձայն՝ Ստեփանավան-Լարս ավտոճանապարհը բաց է բոլոր տեսակի տրանսպորտային միջոցների համար:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 16 պատահար. 5 մարդ զոհվել է, 19-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏՆՏԵՍՈՒԹՅՈՒՆ

ՓՈԽՐԱՏՈՒՑՈՒՄ

ՀՀ Կառավարությունը կվերադարձնի տարեկան հայտարարագիր լրացրած քաղաքացիների եկամտային հարկը՝ որպես առողջապահության ել/կամ կրթության գծով իրենց կողմից կատարված սոցիալական ծախսերի փոխհատուցում:

Եկամտային հարկ վճարող է տարեկան հայտարարագիրը լրացրած քաղաքացիները կարող են Կառավարության կողմից ստանալ փոխհատուցում իրենց կամ իրենց ընտանիքի անդամների կրթության, առամնաբուժական ծառայությունների կամ առողջապահական ապահովագրության փաթեթների ձեռքբերման դիմաց:

ՈՐ ՄԹԵՐՔՆԵՐՆ ԵՆ ԳՐՈՇՄԱՎՈՐՎԵԼՈՒ

ՊԵԿ-ից հաղորդագրություն են տարածել, որտեղ հիշեցվում է. «ՀՀ կառավարության կողմից հաստատվել է Հայաստանում նույնականացման միջոցներով դրոշմավորման ենթակա մի շարք ապրանքների ցանկը եւ դրոշմավորման ներդրման ժամկետները:

2025 թվականի մարտի 1-ից նույնականացման միջոցներով դրոշմավորվում են թեյը եւ սուրճը, կենդանական երուսական յուղերը, ձեթը, պահածոյացված մթերքը, շոկոլադե եւ կակաո պարունակող սննդամթերքը, մակարոնեղենը, գազավորված եւ ոչ գազավորված ըմպելիքները, ոչ ալկոհոլային խմիչքները, գարեջուրը եւ քացախը (USQ ԱՍ 0901, 0902, 0903 00 000 0, 2101, 1504, 1505 00, 1506 00 000 0, 1507, 1508, 1509, 1510, 1512 11 910, 1512 19 900, 1515, 1516 20 960 2, 1517, 1602, 1604, 1605, 2001, 2002, 2003, 2004, 2005, 2006 00, 2007, 2008, 1806, 1902, 1903 00 000 0, 1904, 2009, 2202, 2203 00, 2209 00):

2025 թվականի հունիսի 1-ից դրոշմավորվելու են՝ մսամթերքը, կաթնամթերքը, պաղպաղակը, երշիկեղենը եւ կենդանիների կերը (USQ ԱՍ 0207, 0209, 0210, 0401, 0402, 0403, 0404, 0405, 0406, 2105, 1601 00, 1603 00, 2309):

2025 թվականի սեպտեմբերի 1-ից նաեւ դրոշմավորվելու են՝ նավթավերամշակման արտադրանքը, ներկանյութերը, լաքերը եւ չորարարները (USQ ԱՍ 2710 19 710 0, 2710 19 750 0, 2710 19 820 0, 2710 19 840 0, 2710 19 860 0, 2710 19 880 0, 2710 19 920 0, 2710 19 940 0, 2710 19 980 0, 3403 19 100 0, 3403 19 900 0, 3403 99 000 0, 3203 00, 3204, 3206, 3207 10 000 0, 3208, 3209, 3210 00, 3212, 3205 00 000 0, 3211 00 000 0):

2025 թվականի հունվարի 1-ից՝ դեղերը, վիտամինները օժանդակող, կոսմետիկական հիգիենային եւ խնամքի միջոցները (USQ ԱՍ 2936, 3002 41 000 0, 3002 42 000 0, 3004, 3006 30 000 0, 3006 60 000, 3303 00, 3304, 3305, 3306, 3307, 3401, 3402):

ԱՇԽԱՏԱՆՔԻ ԵՎ ԱԶԱԿՑՈՒԹՅԱՆ ԿԱՐԻՔ ԿԱ

ԲՈՒՆԻ ՏԵՂԱՐԱՆՎԱԾ ԱՐՑԱՄՑԻՆԵՐԸ՝ ՄԻ ԸՆԱՔ ԽՆՌԻՐՆԵՐԻ ԱՌՋԵՎ

ArmLur.am-ի խմբագրությունը եր դիմել 2023թ. Արցախից բռնի տեղահանված, ներկայումս Գորիսում հաստատված ժորա Հայրապետյանը: Նա ներկայումս սովորում է Գորիսի դեպարտամենտում: Մեծահասակներում աշխատել է փաստաբանական գրասենյակում որդես՝ գործավար, փաստաբանի օգնական: Ներկայումս չի աշխատում, ասում է՝ Գորիսում բարդ է աշխատանք գտնելը:

Ուստանիքում երեք հոգի են՝ ինքը, մայրը եւ թոշակառու տատիկը: Ուստանիքում այս պահին միակ եկամուտը իր տատիկի ստացած թոշակն է եւ Կառավարության կողմից տրամադրվող 40 հազար դրամ աջակցությունը՝ որն էլ ապրիլին կնվազի, իսկ մյուս տարի հունվարից այլևս չի լինի: Ուստանիքի դրությունը ավելի է բարդանում, քանի որ Հայաստանում դեռ չունեն ձեռք բերած գույք եւ Գորիսում ապրում են վարձով: Ուստանիքի ստացած եկամուտը չի բավարարում բնակարանի վարձի, սննդի, դեղորայքի եւ կոմունալ ծախսերի համար:

Շատ արցախցիների պես իրենց ընտանիքն էլ դժգոհ է Կառավարության որոշումից՝ որով կնվազեցվի տեղահանվածներին տրամադրվող աջակցությունը:

Խնդիր է նաեւ որ իրենք չեն համարվում ՀՀ քաղաքացիներ, սակայն երկար տարիներ բոլոր միջազգային կառույցները իրենց համարել են Հայաստանի քաղաքացի:

Երիտասարդ արցախցու համար անհասկանալի է շարունակում մնալ, թե ինչու պետք է հիմա դառնան ՀՀ քաղաքացիներ, եթե իրենց անձնագրերում գրված է, որ իրենք ՀՀ քաղաքացի են: Այս ընթացքում շատ բարդություններ են առաջանում փաստաթղթերի վերաբերյալ, կես կատակ, կես լուրջ նշում է, որ



դարձել է իրենց բնակարանի իրավաբանը եւ փաստաբանը:

Ուստանիքի համար լուրջ խնդիր է նաեւ դեղորայքի հարցը, քանի որ մայրն ունի շաքարային դիաբեթ, Արցախում իրենց անհրաժեշտ դեղամիջոցը տրամադրում էին, սակայն Գորիսի պոլիկլինիկայից ասում են, որ իրենք տվյալ դեղից չունեն:

Ժորայենց ընտանիքը դեռ չի դիմել բնակարանների փոխհատուցման ծրագրի համար, ըստ այդ փոխհատուց-

ման՝ ամենայն հավանականությամբ կտրամադրեն 10-15 միլիոն դրամ: Սա, ըստ մեզ հետ զրուցած արցախցու, բավարար չէ, այդ գումարով իրենք չեն կարող բնակարան գնել, քանի որ շուկայական հարաբերություններում բնակարանները ավելի թանկ են: Նա համարում է, որ ավելի արդարացի կլինի, եթե իրենց փոխհատուցեն Արցախում թողած իրենց ունեցվածքին համապատասխան:

ԱՐՄԵՆ ԽԵՉՈՒՄՅԱՆ

ԲԱՆԿԱՅԻՆ

Fastex-Ը ՄԱՄՆԱԿՑԵԼ Է SiGMA Eurasia 2025-ԻՆ

Ս.թ. փետրվարի 23-25-ը Fastex-ը մասնակցել է SiGMA Eurasia-ին՝ 31D տաղավարում ներկայացնելով իր Web3 պրոդուկտները եւ ծառայությունները: Ուկրաինայի B2C պրոտոֆոլիոն ներառում է Fastex Exchange, Fastex Pay, Fastex Wallet, Fastex Card, YoCerebrum պրոդուկտները, ftNFT մարքեթփլեյսը եւ ֆիզիկական տարածքները:

Միջոցառմանը Fastex էկոհամակարգը ներկայացրել է B2B լուծումների փաթեթ՝ BaaS (Blockchain as a Service) «բլոկչեյնը որպես ծառայություն» լուծումը, սեփական կրիպտոակտիվի գարգացման հեռանկարները եւ white label կրիպտո փոխանակման հարթակի առանձնահատկությունները: Վերջինս ընկերություններին թույլ է տալիս ստեղծել եւ կառավարել սեփական փոխանակման հարթակներ եւ ինտեգրել տարբեր կրիպտոակտիվներ:

Fastex-ի իրավաբանական գծով տնօրեն եւ տնօրենների խորհրդի անդամ Վարդան Խաչատրյանը փետրվարի 24-ին մասնակցել է «Տեղականից իրավական կարգավորումներ. ինչպես են ԱՄԷ-ը ձեւավորում Web3-ի ապագան» թեմայով քննարկմանը: Հանդիպման ընթացքում անդրադարձ է կատարվել թվային

տնտեսության վրա օրենսդրական կարգավորումների ներգործությանը եւ կայուն աճի ապահովմանը:

Հիշեցնենք, որ Fastex-ն արագ զարգացող Web3 էկոհամակարգ է, որն իր օգտատերերին տալիս է հսկայական հնարավորություններ եւ հարմարավետ միջավայր՝ առաջարկելով Fastex Exchange կրիպտո փոխանակման հարթակը, Fastex Card-ը, Fastex Wallet-ը եւ ftNFT-ն՝ իր հարթակներով եւ ֆիզիկալ սփեյսներով, ինչպես նաեւ YoHealth՝ առողջ ապրելակերպը խթանող հավելվածը: Fastex-ը կարելի է անվտանգ եւ հուսալի միջավայրի ապահովումը համաշխարհային թվային ֆինանսների զարգացող աշխարհում մշտապես հետեւելով ոլորտի միտումներին:

«ՖԱՍԹ» ԲԱՆԿ ՎԵՐԱԲՐԵՆՔԱՎՈՐԵԼ Է ՄԱՄՆԱՃՅՈՒՂԸ

«Ֆասթ» բանկը վերաբրենդավորել է Աշտարակ քաղաքում գործող մասնաճյուղը: Բանկը, հավատարիմ մնալով իր առաքելությանը, շարունակում է վերաբրենդավորել եւ վերազինել բանկի բոլոր մասնաճյուղերը՝ ապահովելով դրանք

ժամանակակից թվային սարքավորումներով:

«Ֆասթ» բանկի Աշտարակ մասնաճյուղի կառավարիչ Ալիկ Դավթյանն ասել է. «2025 թվականն սկսում ենք սոր եւ դրական փոփոխություններով: «Ֆասթ» բանկի Աշտարակ մասնաճյուղն այսուհետեւ իր հաճախորդներին սպասարկելու է ավելի գեղեցիկ եւ հարմարավետ միջավայրում: Արագ եւ որակյալ սպասարկումն ապահովելու համար մեր մասնաճյուղը հազվեցած է բոլոր անհրաժեշտ միջոցներով, եւ ինչպես նախկինում, շարունակելու ենք աշխատել 24/7 գրաֆիկով»:

«Ֆասթ» բանկն իր հաճախորդների համար ստանձնել է նորարարական, բազմակողմանի եւ բարձրորակ ֆինանսական լուծումներ տրամադրող գործընկերոջ դեր: Աշտարակի մասնաճյուղում հաճախորդների հերթը կարգավորում է էլեկտրոնային կառավարման համակարգը, գործում են նաեւ ավտոմատ ինքնասպասարկման սարքավորումներ:

«Ֆասթ» բանկը թվային բանկ դառնալուն միտված ընկերություն է, որը 24/7 աշխատանքային գրաֆիկով ներկայացված է Հայաստանի բոլոր մարզերում:

«Ֆասթ» բրենդը նախորդ տարի տունել է ստեղծման 30-ամյակը:

«Ֆասթ» բանկը վերահսկվում է ՀՀ Կենտրոնական բանկի կողմից:

«Օղովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

«ԱՆՈՐԱ». 5 ՕՍԿԱՐ ԵՎ ՄԵԾ ԱՂՍՈՒԿ

ԻՆՉԻՆ Է ԱՅՌԵԱՆ ԳՐԱՎԵԼ ԱՄԵՐԻԿՅԱՆ ԿԻՆՈԱԿԱԴԵՄԻԱՅԻՆ

Մարտի 3-ին ամբողջ համացանցը ցնցեց «Օսկար» մրցանակաբաշխությունը, որում «Անորա» ֆիլմը նվաճեց միանգամից 5 ոսկե արձանիկ՝ 6 անվանակարգերում նոմինացված լինելուց հետո արժանանալով 5 «Օսկարի»:

Իհարկե այս ամենը ամբողջով չէր առաջացնում, եթե ֆիլմում նկարահանված չլիներին հայազգի դերասաններ Վաչե Թովմասյանն ու Կարեն Կարազուլյանը:

Ի սկզբանե ֆիլմը «Օսկարի» մրցանակաբաշխությանը նոմինացված է եղել 6 անվանակարգում, սակայն ինչպես արդեն հայտնեցինք, արժանացել է 5-ին:

Ֆիլմը նոմինացվել է «Լավագույն ֆիլմ» անվանակարգին եւ ստացել հայտնի ոսկեգոծ արձանիկը: «Լավագույն ռեժիսոր» է ճանաչվել Շոն Բեյքերը դարձյալ «Անորա» ֆիլմի համար, իսկ լավագույն դերասանուհի՝ Մայքի Մեդիսոնը: Ֆիլմն արժանացել է «Օսկարի» նաեւ «Լավագույն մոնտաժ» եւ «Լավագույն օրիգինալ սցենար» անվանակարգերում:

Էկրաններ բարձրանալուց ի վեր ֆիլմի քննադատները բաժանվել են երկու բեւեռների. մի մասը ֆիլմը համարում է ուսուցողական, խոր եւ բարոյախրատական, իսկ մի մասն էլ այն համարում է դասական հիմարություն, դեգրադացնող ֆիլմ:

Ըստ կինոքննադատների՝ մրցանակներից «Լավագույն օրիգինալ սցենար» եւ «Լավագույն մոնտաժ» անվանակարգերը ակնմաստ են, քանի որ այս անվանակարգերով էլ ավելի է արժեւորվում ֆիլմը: Իհարկե, ամեն ոք ունի իր կարծիքը, որը բնական է:

ArmLur.am-ը ներկայացնում է, թե ինչի մասին է ֆիլմը:

«Անորայի» պրեմիերան կայացել է 2021 թվականի մայիսի 21-ին՝ Կաննի կինոփառատոնում: Ավելի ուշ Կաննի կինոփառատոնում ֆիլմն արժանացել է «Ոսկյա արմավենու ճյուղի»:

Ֆիլմի գործողությունները տեղի են ունենում Բրուքլինում: Ֆիլմի գլխավոր հերոսուհին՝ մերկապարուհի էլին՝ Նույն ինքը Անորան, ամուսնանում է ռուս օլիգարխի որդու՝ Իվան Զախարովի հետ: Փետայի ծնողները, իմանալով կատարվածի մա-



սին, եւ թե ում է որպես կողակից ընտրել իրենց որդին, հապճեպ գալիս են Նյու Յորք՝ ամեն բան կարգավորելու:

Ֆիլմում Վաչե Թովմասյանը՝ Գառնիկի, իսկ Կարեն Կարազուլյանը՝ Թորոսի դերում են:

Կան կարծիքներ, որ ֆիլմում հայերի կերպարը շատ թյուր եւ սխալ ձևով է ներկայացված, եւ նման կերպ ներկայացնելուց հետո էլ հայ ազգի մասին առաջանում է հակասական կարծիք ու պատկերացում:

Ինչո՞ւ հայ հանդիսատեսի, կինոսերի կողմից ֆիլմը չարժանացավ այնպիսի հիացմունքի եւ մեծարումների այնպես, ինչպես, օրինակ, ամերիկյան հանդիսատեսի կողմից:

Կան շատ տարբերակներ, որոնցից առաջինը կարելի է նշել ազգային մտածելակերպը, երկրորդ՝ հերթին, հավանա-

բար, բաց տեսարաններն ու հերոսուհու մասնագիտության հանգամանքը:

Այնուամենայնիվ, մինչ այս պահը ֆիլմն ակտիվորեն քննարկվում, քննադատվում քարկոծվում կամ մեծարվում է:

Հարկ է նշել, որ ֆիլմի յուրաքանչյուր հաղթանակ վայելել են դերասանները, իրենց տպավորություններով կիսվել «Սթորիներ» բաժնում:

Վաչե Թովմասյանն իր ինստագրամյան միկրոբլոգի էջում ստացած յուրաքանչյուր «Օսկար»-ից լուսանկար է հրապարակել Կարեն Կարազուլյանի հետ, եւ, ստանալով 5-րդ արձանիկը, նշել է, որ տուն են տանում 5 օսկար:

Դերասանների ոգեւորությունն այնքան մեծ էր, որ անգամ լողավազան գնացել են մրցանակներով:

Նշենք, որ ֆիլմի ռեյտինգը տարբեր կինոդիտման հարթակներում 7 եւ ավելի է:

ԱՆՆԱ ՍՈՍՊՈՒՆՅԱՆ

ՄԱՐԶԱԿԱՆ

ԿՓՈՒՄԱՐԻՆԻՔ ԳՎԱՐԴԻՈՒԼԱՅԻՆ

Խոսեպ Գվարդիոլան աշխարհ երկարաձգեց պայմանագիրը «Մանչեսթեր Սիթի» հետ, սակայն չի բացառվում ընթացիկ մրցաշրջանի ավարտից հետո Նրա հեռանալու հավանականությունը:

City Football Group-ը նման հնարավորության համար Նոր ծրագիր է մշակում:

Ինչպես հայտնում է Daily Mail-ը, ակումբի ղեկավարները ուշադիր հետևում են Մեսկ Ֆաբրեգասին, ով այժմ գլխավորում է «Կոնո» ակումբը:

Միաժամանակ նշվում է, որ Ֆաբրեգասին հետևում են նաեւ այլ եվրոպական գրանդներ, այդ թվում «Միլանը» եւ «Ինտերը»:

ԱՄԵՆԻՑ

ԱՐԳՅՈՒՆԱՎԵՏ ՖՈՒՏԲՈՒԼԻՍՏՆԵՐԸ

«Լիվերպուլի» վիզեր Մոհամեդ Սալահը շարունակում է մնալ թոփ-5 լիգաներում ամենաարդյունավետ ֆուտբոլիստն այս պահի դրությամբ:

Նա իր ակտիվում ունի 42 միավոր գոլ + գոլային փոխանցում համակարգով:

Երկրորդ ու երրորդ տեղերն այս ցուցանիշով զբաղեցնում են «Բավարիայի» հարձակվող Հարի Քեյնը եւ «Մանչեսթեր Սիթիի» հարձակվող Օմար Մարմուշը:

Թոփ-5 լիգաների ամենաարդյունավետ ֆուտբոլիստներն այս պահի դրությամբ.

1. Մոհամեդ Սալահ. «Լիվերպուլ» - 42 (25+17)
2. Հարի Քեյն. «Բավարիա» - 29 միավոր (21+8)
3. Օմար Մարմուշ. «Մանչեսթեր Սիթի»/«Այնտրախտ» - 28 (18+10)
4. Մատեո Բետեգի. «Ատալանտա» - 25 (21+4)
5. Ալեքսանդր Իսակ. «Նյուքասլ» - 24 (19+5)

ԽԱՆԳԱՐՈՂ

ՀԱՆԳԱՄԱՆՔՆԵՐ՝ ՎԵՐԱԳԱՐՉԻ ՀԱՄԱՐ

«Բարսելոնայի» գլխավոր մարզիչ Հանս-Դիտեր Ֆլիկը նպատակահարմար չի գտնում «Սանտոսի» բրազիլացի հարձակվող Նեյմարի վերադարձը կատալոնական ակումբ: Այս մասին հայտնում է Sport.es-ը:

Աղբյուրի համաձայն՝ գերմանացի մասնագետը վստահ չէ փորձառու խաղացողի ֆիզիկական պատրաստվածության, ինչպես նաեւ Սաուդյան Արաբիայից հետո Նրա խաղամակարդակի վրա: Բացի այդ, ակումբը դեռ չունի ֆինանսական կայունություն, ուստի հայտնի չէ, թե կատալոնացիները կկարողանան իրենց թույլ տալ Նեյմարի պայմանագիրը:

33-ամյա բրազիլացին «Բարսելոնայում» հանդես է եկել 2013-ից 2017 թվականներին:

Թիմի հետ նա դարձել է Իսպանիայի չեմպիոն եւ Չեմպիոնների լիգայի գավաթակիր:

ՑՈՒՑԱՐԱՆԴԵՍ

ՖՐԱՆԿՈՖՈՆ ԵՐՎԵՍՏԱԳԵՏՆԵՐԻ ԳՈՐԾԵՐԸ՝ ՄԵԿ ՏԱՆԻՔԻ ՏԱԿ

«Ֆրանկոֆոնիայի օրերը Հայաստանում» ծրագրի մեկնարկին ընդառաջ երեկ՝ մարտի 4-ին Երևանի ժամանակակից արվեստի թանգարանում բացվեց Salut Francophonie ցուցահանդեսը: Ցուցադրությանը ներկայացված էր Ֆրանկոֆոնիայի միջազգային կազմակերպության անդամ երկրներից 18 արվեստագետների երեսունից ավելի աշխատանք:

Թանգարանի փոխտնօրեն Զառա Այրումյանն միջոցառմանը հայտնել է, որ ցուցանմուշներն իրենց ֆունկցիոնը են: «Կան ֆրանսիայից, Լիբանանից, Կանադայից, Հայաստանից տարբեր արվեստագետների գործեր: Մեր մշտական ցուցադրության մեջ եւս ֆրանկոֆոն երկրներից արտիստների աշխատանքներ կան, սակայն հեղինակներից յուրաքանչյուրը մեկ գործով է ցուցադրված, ուստի չցանկա-

ցանք ընդհանուր էքսպոզիցիայից հանել», - նշել է նա:

Փոխտնօրենի խոսքով՝ ցուցադրվել են նաեւ նմուշներ, որոնց մասին թանգարանի հիմնադիր Հենրիկ Իգիթյանի ժամանակներից են հոգ տանում. խոսքը ժանսեմի եւ Անահիտ Աբրահամյանի կտավներին է վերաբերում: Մյուս հեղինակներն ավելի երիտասարդ սերնդի ներկայացուցիչներ են:

Այսօր՝ մարտի 5-ին, Հենրիկ Իգիթյանի ծննդյան օրն է: Թանգարանը միշտ աշխատել է մարտի 5-ին ցուցադրություն կազմակերպել եւ նոր հեղինակների ներկայացնել, որովհետեւ Իգիթյանն իր առաքելությունը տեսել է նաեւ երիտասարդ ու տաղանդավոր նկարիչներին բացահայտելու մեջ:

«Այս ցուցադրությունն ակամայից նաեւ այդ նպատակին է ծառայել, որովհետեւ ներկայացված են նոր անուններ: Հինգ կամ վեց հեղինակ ֆրանսիական

Diaspoart կազմակերպության նկարիչներն են: Կազմակերպության թե՛ հայ, թե՛ ֆրանսիացի նկարիչները միշտ արձագանքում են Հայաստանում տեղի ունեցող իրադարձություններին: Նրանք մասնակցել են Հայոց ցեղասպանությանը վերաբերող ցուցահանդեսին, նաեւ որոշ աշխատանքներ են նվիրաբերել», - ընդգծել է նա:


Ցուցադրությանն այցելուները կարող են ծանոթանալ ժանսեմի /Հովհաննես Մեմերջյան/, Լորան Նիսու Սունի, Վաչե Տեմերճեանի, Ասիլվայի, Նիկա Խեմճյանի, Սիբի, Քրիստին Հագոբեանի, Տիպար Ասատուր Աբարդեանի, Թային Զաբունեանի, Գրիգոր Նորիկյանի, Շահե Կազանի, Ամալի Գալստեանի (Ֆրանսիա), Լեո-Լեո Վարդանյանի, Հայկ Մեսրոպյանի, Ալեքսեյ Պապովյանի, Վաղարշակ Էլիբեկյանի (Հայաստան), Անահիտ Աբրահամյանի (Կանադա), Միրել Գոգիկյանի (Լիբանան) յուրահատուկ աշխատանքներին:

● Կոմիտասի անվան կամերային երաժշտության տանը մարտի 9-ին տեղի կունենա Երգեհոնային երաժշտության համերգ: Տոմսերի արժեքը՝ 2000, 3000, 4000 դրամ:



ՀՈԳԵՎՈՐ

ՀԱՐՑ. Հեսաբֆիլի է իմանալ՝ Հայ Առաքելական Եկեղեցին ինչպե՞ս է ընդունում կին հոգևորական ունենալու գաղափարը: Արեւմուտքում կան եկեղեցիներ, ուր դա հնարավոր է:
Արեւիկ Մալխասյան (34 տարեկան, տնտեսագետ)



ՊԱՏԱՍԽԱՆ. Հայ Առաքելական Եկեղեցուն ընդհանրապես խորթ է կանանց քահանայազործելու հասկացողությունը, որը նորամուտ է քրիստոնյա աշխարհում: Այն որդեգրվել է մի շարք բողոքական եկեղեցիների ու կրոնական հարանվանությունների կողմից: Հարցն աստվածաբանական հիմնավորում ունի եւ ամշկվում է հոգևորականի՝ քահանայության դերի ու կոչման ճիշտ ընկալման եւ գիտակցման հետ: Քրիստոս՝ Սուրբ Երրորդության երկրորդ Անձը, Աստծո Որդին, մարդացել, մարմնացել, չարչարվել եւ պատարագվել է մարդկության մեղքերի փրկության համար, եւ հաստատել Հաղորդության խորհուրդը՝ Իր հիշատակի եւ Իր Մարմնի ու Արյանը հաղորդակից լինելու համար: Հոգևորականը պատարագի ընթացքում խորհրդանշում է Քրիստոսին, ապա որպես քահանայ կատարում է հավիտենական քահանայապետ հաստատված Քրիստոսի հաղորդության խորհուրդը եւ դրան մասնակից դարձնում ժողովրդին: Հետեւաբար, միայն տղամարդը կարող է եկեղեցում եւ այլուր քահանայություն կատարել, քանի որ այդ ծառայությունը նրան է վստահված հենց Տիրոջից: Անշուշտ, քահանայի գործունեությունը եկեղեցական ծիսակատարություններում միայն սահմանափակվելը չէ: Ինչպես Հիսուս Ինքն էր ժողովրդի հետ շփվում եւ անդրադառնում նրանց կյանքին ու կենսակերպին, այնպես էլ հոգևորականն է զբաղվում հավատացյալների ու ժողովրդի ընկերային հարցերով, որոնք մարդու կյանքի անբաժանելի մասն են եւ շատ հաճախ կարող են ազդել հավատացյալի ներաշխարհի վրա:

Օրինությանը՝ Տ. Մուշեղ արեղա Բարսայան

«ԺՈՂՎՈՐԳ». Փաստորեն Հայ Եկեղեցին մերժում է կանանց քահանայության գաղափարը, եւ սրա հիմքում նրանց իրավունքները ոտնահարող որեւէ միտում կամ ստորադասման Նշույլ անգամ չկա:

ՀԱՍԱՐԱԿՈՒԹՅՈՒՆ

ՀԱՐՑ. Խնդրում եմ ասե՞ք՝ ինչ կարող եմ անել այն դեպքում, երբ ֆինանսական կազմակերպությունը կամավոր չի կատարում Հաճախարհի որոշումը:
Սերգեյ Մնացականյան (45 տարեկան)



ՊԱՏԱՍԽԱՆ. Քաղաքացու հարցին ի պատասխան հայտնում ենք, որ եթե Հաշտարարը կայացրել է որոշում, եւ Դուք համաձայնել եք այդ որոշմանը, սակայն ֆինանսական կազմակերպությունը Հաշտարարի որոշմանը սահմանված ժամկետում չի կատարել այն, ապա Դուք իրավունք ունեք Հաշտարարի որոշման հարկադիր կատարման համար կատարողական թերթ տալու դիմում ներկայացնել դատարան: Դիմում ներկայացնելու կարգը եւ ժամկետները սահմանվում են՝
 «Ֆինանսական համակարգի հաշտարարի մասին» ՀՀ օրենքով (հոդված 15)
 ՀՀ քաղաքացիական դատավարության օրենսգրքով (գլուխ 51՝ հոդվածներ 341-345),
 «Դատական ակտերի հարկադիր կատարման մասին» ՀՀ օրենքով (հոդվածներ 1, 2, 17, 18, 23):

Ֆինանսական համակարգի հաշտարար

«ԺՈՂՎՈՐԳ». Նշենք, որ Դատարան դիմում ներկայացնելիս կարող եք առաջնորդվել Ֆինանսական համակարգի հաշտարարի գրասենյակի կողմից մշակված «Ֆինանսական համակարգի հաշտարարի որոշման հարկադիր կատարման համար կատարողական թերթ տալու դիմումի վերաբերյալ» ուղեցույցով:

ԼՈՒՐ ԿԱԴՐ

Լուսանկարը՝ պաշտոնական լրահոսից



Արրեջանական լրատվամիջոցները հայտնում են, որ իրենց ՄԻՊ Սաբինա Ալիեան այցելել է Բաքվի բանտերում պահվող հայ գերիներին: Թեև լրատվամիջոցները գրում են, որ Ռուբեն Վարդանյանը հայտարարել է, թե նրանց նկատմամբ խոշտանգումներ տեղի չեն ունենում, սակայն երեկ հրապարակված լուսանկարներն այլ բանի մասին են վկայում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայկոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ **ԱՆՎՃԱՐ:**

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Ծիրակ	- 9 - 12 - 4 - 7	Արարատ	- 4 - 7 0 + 2
Կոտայքի լեռներ	- 11 - 14 - 5 - 7	Արմավիր	- 6 - 9 0 + 3
Կոտայքի նախալեռներ	- 6 - 10 - 1 - 3	Վայոց ձորի լեռներ	- 15 - 20 - 6 - 9
Գեղարքունիք	- 12 - 17 - 6 - 8	Վայոց ձորի նախալեռներ	- 6 - 11 0 - 3
Լոռի	- 10 - 15 - 3 + 1	Սյունիքի հովիտներ	- 5 - 9 0 - 4
Տավուշ	- 5 - 8 - 2 + 2	Սյունիքի նախալեռներ	- 12 - 17 - 2 - 5
Արագածոտնի լեռներ	- 10 - 15 - 6 - 10	ԼՂՀ	- 11 - 15 - 2 - 4
Արագածոտնի նախալեռներ	- 6 - 9 0 - 3	Երեւան	- 5 - 9 - 4 - 4

Լրատվական գործունեություն իրականացնող՝
 «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Արշակունյաց 22՝/3, հեռ՝ 010 54-64-23
 Պետական գրանցման վկայականի համարը՝ 03U089086
 տրված է 24.11.2010
 Ստորագրված է տպագրության 4.3.2025
 Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: